

## ՀԱՇՎԵՏՎՈՒԹՅՈՒՆ

### ՆԻԴԵՐԼԱՆԴՆԵՐԻ ԹԱԳԱՎՈՐՈՒԹՅՈՒՆ ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ

#### 1. Անունը, ազգանունը.

Արմինե Ալավերդյան, Անի Թաթոյան:

#### 2. Զբաղեցրած պաշտոնը.

Արմինե Ալավերդյան - ՀՀ աշխատանքի և սոցիալական հարցերի նախարարության հավասար հնարավորությունների ապահովման վարչության մարդկանց թրաֆիքինգի և կանանց հիմնահարցերի բաժնի գլխավոր մասնագետ:

Անի Թաթոյան - ՀՀ աշխատանքի և սոցիալական հարցերի նախարարության հավասար հնարավորությունների ապահովման վարչության մարդկանց թրաֆիքինգի և կանանց հիմնահարցերի բաժնի ավագ մասնագետ:

#### 3. Գործուղման վայրը և ժամկետները.

Նիդերլանդների Թագավորություն, Հաագա, 2024 թվականի նոյեմբերի 3-ից 7-ը:

#### 4. Հրավիրող կողմը.

ՕքսեՋեն հիմնադրամ:

#### 5. Գործուղման նպատակը.

Այցի հիմնական նպատակն էր ծանոթանալ ընտանեկան և կենցաղային բռնության կանխարգելման ոլորտում Նիդերլանդներում գործող պետական և ոչ պետական կառույցների և վերջիններիս ներկայացուցիչների հիմնական գործառույթներին, Կառավարության որդեգրած քաղաքականություններին, պետական և ոչ պետական

մարմինների կողմից ոլորտում կիրառվող հիմնական գործիքակազմերին, գրանցած հաջողություններին ու առկա մարտահրավերներին:

## **6. Քննարկված թեմաները.**

Ուսումնական այցի ընթացքում քննարկվել են Ընտանեկան բռնության կանխարգելման և պայքարի գործընթացում ներառված պետական և ոչ պետական մարմիններին առնչվող հետևյալ հարցերը՝

- Գենդերային բռնությունը եվրոպական համատեքստում. օգտագործելով միջազգային ուղեցույցները որպես իրազեկման գործիք, գենդերային բռնության վերաբերյալ լավագույն փորձերը,
- Նիդերլանդների պրոբացիոն ծառայությունը և ընտանեկան բռնության դեպքերի նկատմամբ մոտեցումը,
- Գենդերային բռնությունը Նիդերլանդներում, ՀԿ-ների ազդեցությունը քաղաքականության վրա, Նիդերլանդներում հանդիպող մարտահրավերները,
- Ընտանեկան բռնության ենթարկված անձանց աջակցության կենտրոնների և ապաստարանների գործունեության, պարտականությունների ու լիազորությունների հիմնական շրջանակը,
- Համայնքի ղեկավարի դերը ընտանեկան բռնության կանխարգելման, ընտանեկան բռնության ենթարկված անձանց աջակցության և բռնարարների հետ տարվող աշխատանքների համատեքստում:
- Կանանց դեմ տղամարդկանց բռնության վերաբերյալ գիտելիքների ազգային կենտրոնի կողմից առաջարկվող դասընթացներն ու իրականացված հետազոտություններն ընտանեկան բռնության դեպքերի ու դրանց տարաբնույթ դրսևորումների առնչությամբ,

## **7. Հանդիպումները, ելույթները, բարձրացված կամ քննարկված հարցերը.**

Հանդիպումների ընթացքում վերոնշյալ բոլոր կառույցների ներկայացուցիչները հանդես են եկել զեկույցներով՝ մանրամասնորեն անդրադարձ կատարելով ինչպես կառույցների ընդհանուր գործունեությանը, այնպես էլ ոլորտում առկա խնդիրներին ու մարտահրավերներին և դրանց լուծմանն ուղղված գործողություններին: Ուսումնական այցի շրջանակում կազմակերպվել են այցելություններ հետևյալ կենտրոններ՝

- Այցելություն Նիդերլանդների ոստիկանության Հաագայի շտաբ՝ իրենց շղթայական համագործակցության և ընտանեկան բռնության դեպքերի վերաբերյալ քննարկում ունենալու նպատակով,
- Այցելություն Femmes For Freedom-ի (Կանայք հանուն ազատության) գրասենյակ՝ քննարկելու գենդերային բռնության կանխարգելման և դրա դեմ պայքարի ոլորտում առկա խնդիրները Նիդերլանդներում,
- Այցելություն Հաագայի քաղաքապետարան, որտեղ ներկայացվել է, թե ինչպես է աշխատում ընտանեկան բռնության դեմ պայքարի բաժինը և ինչպես է համագործակցում այլ կառույցների հետ,
- Այցելություն գենդերային բռնության ենթարկվածների կացարան՝ կենտրոնացում բարդ դեպքերի վրա,
- Այցելություն “Ռոզա Մանուս” գենդերային բռնության ենթարկվածների կացարան՝ ծանոթացում աշխատանքների բնույթին, այդ թվում՝ աշխատանք բռնարարների և երեխաների հետ:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը.**

Որոշումներ չեն ընդունվել, փաստաթղթեր չեն ստորագրվել:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

➤ **Ռեաբիլիտացիոն ծրագրերի ներդրում**

Առաջարկում ենք Հայաստանում ներդնել ընտանեկան և կենցաղային բռնության ենթարկված անձանց ռեաբիլիտացիոն ծրագրերի Նիդերլանդների մոդելը՝ հիմնված մասնագիտական աջակցության և հոգեբանական վերականգնման վրա: Այս մոդելը կնպաստի բռնության ենթարկված անձանց ինքնագնահատականի վերականգնմանը և կենսական մարտահրավերների հետ գործ ունենալուն:

➤ **Պրոբացիոն ծառայության ներգրավում**

Նախագծել և իրականացնել նոր մեխանիզմներ, որոնք հնարավորություն կտան պրոբացիոն ծառայության ներգրավվել ընտանեկան և կենցաղային բռնության կանխարգելման գործընթացում: Նիդերլանդներում պրոբացիոն ծառայության դրական փորձը կարող է կիրառվել Հայաստանում՝ հետագայում նվազեցնելով կրկնակի բռնության դեպքերի քանակը:

➤ **Համայնքների մասնակցության խթանում**

Առաջարկում ենք համայնքների ղեկավարների դերակատարությունը ընդլայնել՝ նպատակ ունենալով ակտիվորեն ներգրավվել բռնության ենթարկված անձանց աջակցության և բռնարարների հետ տարվող աշխատանքներում: Նիդերլանդներում համայնքային համակարգը ցույց է տվել իր արդյունավետությունը՝ հատկապես հոգեբանական աջակցություն ցուցաբերելու և ապաստարանների հետ համագործակցելու տեսանկյունից:

➤ **Աջակցության կենտրոնների և ապաստարանների հնարավորությունների զարգացում**

Առաջարկում ենք բարելավել Հայաստանում գործող աջակցության կենտրոնների հնարավորությունները, ներդնել շարունակական վերապատրաստման ծրագրեր և կատարելագործել բռնության

ենթարկված անձանց մատուցվող ծառայությունները՝ հիմնվելով Նիդերլանդների մոդելի վրա:

➤ **Հանրային իրազեկման և կրթության ծրագրերի մշակումը**

Կարծում ենք, որ անհրաժեշտ է ներդնել հանրային իրազեկման և կրթական նոր ծրագրեր՝ ուղղված ընտանեկան և կենցաղային բռնության կանխարգելմանը: Կարելի է օգտվել Նիդերլանդների լավագույն օրինակներից՝ իրազեկման արշավների ձևաչափի և գործիքների մեջ:

➤ **Միջազգային համագործակցության ամրապնդում**

Նիդերլանդների համապատասխան կառույցների հետ համագործակցությունը կարող է նպաստել գիտելիքների փոխանակմանն ու երկու երկրների միջև փորձի կիրառմանը: Առաջարկում ենք խորացնել մեր կապերը՝ ապագա համատեղ ծրագրեր իրականացնելու նպատակով:

**Ստորագրությունը**

**Ամսաթիվը**

**Արմինե Ալավերդյան**



**14.11.2024 թ.**

**Անի Թաթոյան**

